

摘藻堂四庫全書薈要

集部

欽定四庫全書薈要卷一萬七千六十三

集部

遵巖集卷六

明 王慎中 撰

五言排律

聖誕前期一日寓直客部同屠儀制郎中詩以
柬之

瑞氣滿南宮星河渺渺空千廬翊警衛萬國奉朝宗蹕
路風先淨帷張月自通祥雲當極北曜宿及宵中謬藉
叨分直仙郎嘉自公何其頻視夜彼美切循躬秉燭晤

言久焚香宴坐同岡陵徒欲祝巴里愧難工何人嗣周
雅待爾振王風

屠郎中儀部署館新成賦題九韻

仙吏日攸寧華館肅虛清地是君王賜材兼將作營象
維扶棟宇納景敞軒楹北斗掛簷迥西山對坐明迎秋
朱火變當晝白雲生為沼滋魚藻疏畦長鹿苹唯寅皇
振采多暇鳥求聲琴與商歌合詩將起草成何言謀野
獲蘭省待嘉名

伯氏曾漸溪先生奉使冊靖江王敬上四十四

韻

漢將標南紀周王暨外埏黃支開象郡赤社直牛纏
灘水扶桑表鬱林滄海邊霜清八桂瘴嵐結九疑烟
立辟攢青蓋飛峯削紫蓮伏波盤荔峽羅閣瞰梧川
光色美如此珍奇產固然匭苞輸御府貢篚達郊鄺
經野襟交廣肇封俯柳全授圭羅赭組分土胙炎天
玉葉枝璀璨銀潢派接連維城宗子令開國大君專
帶礪河山固金

湯磐石堅瞻依一萬里屏翰二千年惇族紆宸眷建侯
展睿權文閭簇仗啟廣樂鼓鏞闐貝闕丹霞裊銅樓霽
景鮮冠裳趨濟濟纓玦萃翽翽節捧星辰上制傳家緯
前瑤函藏寶冊金櫃閔琳編翠琯祥雲抱紫泥卿日懸
皇華十道出司諫一身遷螭筆暫須輟龍顏夢尚牽蘭
垌張祖晏桐柱奏離絃雪送燕關騎春催楚蠡船異花
紛拂纜怪鳥噉迎旃廬霍行堪結巫衡覽更便槎搖弱
水影旌颺閭風顛列峒密猩語諸蠻解漢言罔蠻眺邈

邈原薄驟駢駢篁竹啼猿合石楠踞獼緣輜軒駢入境
劍舄忽登仙聖主威光近明王禮數虔遐荒憲命播藩
域寵靈宣晝向日邊接昏從花下旋墀迎珠躡履裾曳
珮平氈淮國讌游冶梁園詞藻傳觀風行問俗訪古重
懷賢帝子蒼梧些湘妃澧浦篇堯山澆桂酒舜廟擷芳
荃逢鶴還珠洞尋砂勾漏泉豈云奔命遠直是勝遊偏
謝客吟應遍仲宣賦可鐫茫茫五嶺外何日使星還

上外祖李竹坡先生致尚寶政二十四韻

國運開貞泰今王禮舊者頒旌招野伏驚代振巖姿邦
俊推公望朝章屬令儀邱樊馳束帛海嶠動綸絲王署
初移寵金扉後命貽西垣瞻日殿內闕切雲司雨露青
冥潤弁纓象緯疑祗言翔岳驚詎意曳塗龜道大輕狗
祿幾先果避時竟忘魏闕眷不廢考槃詞臨組惟三揖
封章懇一辭皇心揆赤悃溫詔下彤墀計決羣賢早名
高一代垂滄波薄赤紱黃髮狎青鷺棲谷情自得還缺跡
信追直嗤少室出誰賦北山移萬戶琴書暇筠莊歲月

遲江天疏遠目花鳥怯新詩傲世南陽蠖尋仙綺里芝
瑤蘭湘畹紉玉樹謝庭枝峻節元齊杜養真亦尋雌登
龍漢士慕歌鳳楚狂悲尚想篇翰接終虛几杖隨因風
數此曲遙望碧雲涯

天津覽海

登高以望遠窮髮此天池滉漾迷三島鴻蒙辨四維浮
波極地際蕩景渺雲涯日月懸孤嶼江河灌漏卮直將
天作畔聊取漢為湄恨鳥銜枝沒搏鵬蹋翅垂乘桴傷

孔志攜賦慕班詞衆水朝宗去何時一似之

舟中

行路難如此嗟予何滯違朝征沙鴈引晚泊渚鳬依席
勢乘風駛棹謳擊汰飛濟深揚桂柂厲險戒初衣冒沴
葭侵露緣崖柳礙暉波文明夕照水色長寒威遠火看
還滅孤烟迫已微勞歌徒自奏惆悵未言歸

發東昌道中寄酬冠太守

舟行聊騁望天宇曠微微河曲回隄勢川明泳日暉通

波連井邑平壤盡封圻亭臬千里衍墟市百家稀玉堰
龍蛇蟄金郊草木腓獵騎呼鷹去漁簑罷釣歸夷猶雖
有適徙倚欲何依山鬼瞻岱近天遠望畿非稟訓亨重
坎悼心未息機故人相念者為見斷蓬飛

始至留都戶部作

謫籍復收擒天心為洗冤榮枯元有分憂喜自何門器
小乖通理才微誤再論未能思舊過轉使愧新恩秩最
堪安拙官貧足避喧不知都邑異但覺省闈尊質是硤

慚玉班非鷺接鴈鴻棲猶得桷羊觸戒臨藩薪積宜先
賤舌柔悟後存為看桃李下成徑亦無言

戶部攝篆作

握蘭叨入省愧此大夫紳周時官主地漢室署名民已
是為郎久翻疑從事新掌邦三壤賦奏計四方人無術
疏泉布何能學算緡迂疎下吏怪懶慢上官嗔治牘難
稱敏趨期常苦頻非關王事急祇是早閒身

戶部寓直作

涼月靜高松華扉掩幾重沈冥遺吏道恬曠絕人蹤宴
坐時聞桂行吟暗度蛩漏聲風易斷山翠露偏濃襍被
同今宿舍香異昔逢羈違雲卧性病損世交容擇木難
如鳥潛泥不是龍千門分曙裡猶記聽朝鐘

題雙橋別業為倪考功大夫賦

石橋人不到雲水自為家峰勢低窻入溪流向峽斜田
園三戶闢草木四時華拂席殘雲戀垂帷白日賒穴開
成鳳羽晚藝茁蘭芽振鷺天庭後鷗飛多少耶

送項膳部遷之出守臨川

翩翩五馬貴盡頌用賢宜辭省蘭俱遠之官鶴與隨行
春時擁馭坐嘯晝垂帷山遶右軍宅天清內史池名將
先輩掩政起後人思他日徵良吏看君第一碑

寄贈李邦良應聘脩兩浙志

霸王開列國牛女直揚州興廢傷千古人文著九流高
才宜可作衆體莫能讐赫矣雄圖地居然載筆遊贊詞
無下士館穀有諸侯跡訪虞巡始書從越絕脩勞思應

夙夜託志在春秋成將藏禹穴待取好書求

閒居

寂寞棲窮巷蕭條獨掩門機忘親散帙交息絕華軒
隱几非遵孟閒居已勝潘幽蘭充士佩好鳥與人言
有飯時餐菊無憂不為萱陸沉同蠖屈泥辱異龍蟠
禽知反宿落葉豈歸根懶拙從吾好惟思守故園

閒居對雨作

閉門亦已靜零雨益淒情暝牖增寒色鳴除急暮聲
亂

雲時聚散淺溜湯縱橫濕突烟難起荒庭草欲生端居
觀大化抱膝絕微營自顧貧非病堪嗟學代耕方慚聞
道晚始悟視名輕終當謝人世偃息返柴荆

同陳石亭太僕訪顧東橋山庄因縱遊山寺承
徐九峯道人見問遂以貽之

端居不自適訪隱出郊原一路通樵徑千山揜華門披
雲開竹院斲石采苓根農事興南畝漁歌到北軒聞鐘
尋遠寺憇杖眺孤邨虎守林中卧猿叅講後言巖花難

辨色谷水不知源因愧微官傲彌欽至道尊君將聞好事書此一同論

夏日田家

首夏新晴後田家事事宜
耘耔知土性老少話天時
野飯初登麥家資在種葵
燎原延暮燒築圃待秋菑
谷鳥臨耕勸蹲鴟往餉持
相逢矜力作不識但蚩蚩

觀周明堂故基在泰山下

帝行先出震茲土表青陽
對岳朝羣后膺符築九房
陰

陽隨向背天地象圓方環水形裁壁疏窓色順鄉時巡
春首幸景側畫偏長禮樂承三統華夷奉一王經年宏
構泯易姓故臺荒難覩周人制徒聞王者堂基崇占積
厚隅廣卜圖昌永忝榮為隴牛羊踐作塲竚瞻停服馬
不至感鳴鳳勿須傷已毀布政俟今皇

題賓野堂贈胡竹亭司寇

芳村帶近郭大老此安居闢戶延遙嶽為園激淺渠
虛亭脩竹拂曲沼小萍舒閣度恩存詔門懸予告輿
家中婚

嫁畢世上是非疎日抱藥邊甕時巾花外車燃燈親把
筆抽牘自藏書揮金宴閤里何似漢廷疏

題泮東書屋贈萬治齋中丞

巷陋因仁里隣芳接泮宮幽貞存士業恬素作民風自
適藏脩理寧謀結構工材完兼善斲石密復加龍石草木
終朝靜圖書積歲充觀物唯戶內覩聖即牆東經幄片
香入墨池壁水通青衿時晤語章句晚專攻跡掃柴扉
闔心清牖漏空無為一室老柱石正須公

宿上清道院

稅駕遵山麓爰得老氏宮
入門聞芬馥行徑悅青葱
靈草色難辨幽禽聲不同
泉流瑤砌上池照綺楹
東菓藥榮冬日松筠含夜風
輕雲拂修棟皓月澄高空
晏坐諷道言心悟一窓中
永願託茲土餘生於此終

芝山屠東崖招遊

平旦何所適我友惠嘉招
因輟几中牘言揚塵外鑣
解紳掛庭柯躡躑躅窮山椒
霜後千林肅氛收四野遙坐來

生氣象對酒息紛囂鴻鴈飛寥廓葭莢變蕭條目騁天地廣心清草木凋佳景貴良晤非君誰見要

皇帝察宗室子弟之賢孝者制為訓辭以美之
且以為教也而崑崙公以孝受褒叅政某來
使河南獲聞其事賦是紀之

有美稱公姓承華自本支生身忘寵祿愉色悅嚴慈樂
備無聲聽居防履險危藥咄許子誤羨笑頽人推飲食
溫良善晨昏居起宜橘踰淮水熟笋送雪林滋取器遵

親滌縫衣學稚嬉東昇齊一介受福冠諸姬褒詔天閣
出修文史筆搞琅瑤周國耀綸綍大梁垂偃僂循墻走
尊崇結閣貽來旬叨佐岳采誦慶宗儀

贈鄉飲酒衆賓張

張履石翁壽七十有五有司請為鄉飲酒禮
上賓鄉人皆慶某為賦十二韻詠一時政俗
之美以為翁賀

皇家文盛日海寓澤熙辰遵讓興東序迎陽及上春三

衣叅舊禮八簋備常珍象壁池形鑿鳴鼉鼓奏振若翁
躋保艾末俗見含淳抱甕除機械為樗逨斧斤全真同
楚老忘力比堯民齒號邦人父賢充國子賓衣裳明主
賜几杖列侯陳有祝寧憂鯁無讐可飫醇威儀終秩秩
觀聽自忻忻在燕非毛髮能將義接人

送梁宅之葬

寒郊暮雨濕來送故人行死生奄異域歌笑不同情虛
位將筵列求神把酒傾縞衣非結綬白馬為悲鳴柳聚

車容設蒿虞曲挽驚重泉無返路九地有佳城司馬書
猶在中郎女未成休論身後事空有世間名此日金蘭
斷何時玉樹榮莫邪長閔矣光氣罷干星

張淨峰兩廣功成復命提督湖蜀三省平蠻軍

事賦二十韻

漢室預三傑宗門挺再生書仍橋畔得籌即幄中成混
闢鍾靈異掀騰出衆驚踐駮初詰屈際合果昭亨禮樂
真謀帥詩書可用兵地奄義叔宅機握伏波營郡有前

朝棄城多故尉爭按圖徵土貢內面奉王正文武扶令
主韜鈴付夏卿忽移無棣履往致有苗征不改登壇禮
親題賜劔名兢業方受賑節制更持衡大事精魂壯微
軀感激輕軍容下瀨整殺氣渡瀘橫威已諸首憺師兼
長子貞居然收上策坐見靜南荆崩角雕題拜飛星露
布行禽蒐休義憤草偃服夷情國倚安危算人推儒術
英千官陪飲至好及上林鶯

送林退齋中丞巡撫湖廣時方有征苗之後張

淨峰公往為總督故末及之

江漢流南紀，衡疑極帝廵。
肇州荆最遠，列國楚難馴。
分鎮由來重，仗材此日真。
威清霜簡峻，寵建隼旗新。
儒學令乘勢，朝廷正用人。
憂勞陶甕設，瀟灑庾樓親。
執法兼移俗，治軍更訓民。
百城迎按節，二列喜行春。
太平多疊日，小醜未康辰。
問罪揚旗正，觀兵授鉞頻。
壺頭屯組練，夏口逼焚塵。
凶吉資奇算，安危倚大臣。
寧論權獨任，還以德為隣。
贊禹公如益，唯須舞七旬。

寄贈李三州中丞公征蠻十五韻

國有鬼方伐公膺神武求心勞邊圉計義副廟堂憂參
伍看窺敵淵闐起壯猷善師遺下策決勝得前籌狼角
芒初長龍標祲欲收蛇蟠竒布陣虎旅誓同讐賈勇皆
超距先登自挾輶氣將忠憤作誅靡歲旬留螳臂當車
奮魚鬚入釜遊殷紅塗草木慘黯變川丘止殺嚴申令
貪功怒未休搗巢妖箐淨洗刃惡腥流築觀崇岡勢回
軍小海謳文儒兼武備道氣出陰謀磨壁題華界投戈

憬衆酋如何論鉅盛方叔再興周

寄壽顧洞陽二十韻

明時方貴齒令德復推賢
華胄承源遠高門積慶延
羽儀塵瑱表神觀次寥先
茨墅寧速道樓居即是仙
枕藏鴻寶訣幾契漆園編
玄鶴元長算靈椿本大年
蕭疎霜髮凜綽約雪膚鮮
金重腰能勝膳珍腹每便
平生閒點檢心事絕疵忤
指屈讒誣盡眼肴權勢顛
降祥真有在受氣果能全
孫曾森玉立軒冕會蟬聯
難老由和萃尊

鈴羨福駢典墳晚好甚池館野情偏勁力徵書法精心
入詠篇鳥花愁品藻金石盛鏤鐫尺牘人懷去佳章客
誦傳瞳方微露角背繭欲生綿喬衆仍茵鼎園黃却邑
鄆他年輪壁聘更老帝廷前

寄壽華補庵十韻

間氣合調鼎中年遂掛冠沉思存竹素神授得金丹
谿谷叅玄理邱園縱大觀開池馴浴鵲剪圃毓芳蘭
鄴架頻經閱陶琴不在彈形全糧可弭事省夢常安
笑甲天

行遍孤辰夏日曼遽心應已化椿頌自多懽
魚鳳瑤盤
重流霞玉璫寬遙知賓客盛桂氣集門闌

附五言絕句


夏日病居雜興

我病如草木夏日益以長不向本根誅何由柯葉穰
空室寂無人幽襟坐自整吾心已不疑何用論弓影
四體不可風多汗常如沐却妬西園裏涼颺振佳木
寥寥誰與論悄悄自懷恐他日理韋帶知當移幾孔

雙眼如深谷，顴峯為高岍。撫鏡不欲窺，自怪非吾面。
種藥元因疾，疾如藥草驕。壞欄除藥本，與疾兩逍遙。
家人迎醫至，與語黃岐事。答言君已知，揮手請相避。
十旬九不食，氣息微微續。豈必覓仙方，即此堪辟穀。
一卷黃庭經，藏在枕頭裏。因病少靜清，聊得刊數字。
素約山中僧，來期不煩訂。今來問法門，果識余非病。



遵巖集卷六



總校官進士臣胡榮

校對官中書臣李斯咏

謄錄舉人臣薛炳文

謄錄監生臣王爾熙

欽定四庫全書薈要

集部

遵嚴集卷七



欽定四庫全書薈要卷一萬七千六十四


集部

遵巖集卷七

明 王慎中 撰

七言律詩

萬壽節侍班奉天殿東邱集齋侍御二首

風生露掌集祥烏雲耀紫清五色殊宮扇徐開蟠雉尾
爐烟高裊繞龍樞燎移百辟珮環列星落千門簇仗俱
虛薄自慙違補袞瞻依叨從効嵩呼

鷄籌魚鑰漏聲催鳳闕龍樓拂曙開五色祥雲扶北極

萬年天子在中台仙人樂奏鈞天上王母桃從瑤水來
獨進千秋金鑑錄侍臣不愧九齡材

元日侍班奉天殿

王正元日新堯歷天子明堂拱舜衣仙樂聞鈞諧鳳奏
文星合璧抱龍旂雲開闔闔鳴珂入風轉爐香惹袖歸
三載郎曹淹赤紱尚慙補袞寸心違

三日偕容臺諸僚遊大慈恩寺登鏡光閣即席

賦

鷺峯飛宇孤逾麗鳳甸晴烟翠欲重北海霜冰噓暖氣
西山雲樹散春容殊方天地愁目盡此日登臨新歲逢
況是携遊俱俊逸但教得醉任萍蹤

四日陪夏桂洲學士南郊觀牲

皇州風轉翠雲遊光湧南端壁月流珠樹靈壇春漠漠
尚芻御廩夜幽幽天迴淑氣蓄蘋蘋苑靜繁星散旆騶
視滌逡巡移劍履明裡優渥動宸旒

送鄭滁州

與子避居潞水上憶在東曹詩興多二月風煙辭省闥
三吳書劍阻關河花明江驛下帆影棹入滁陽近楚歌
此去琅琊堪吏隱醉翁亭古發煙蘿

同郭水部子愚東郊相土因遊邵氏莊

郊行不廢觀遊興戚里園中事事幽變幻羣峯開華岳
霏微五月動清秋風來繡戶聞啼鳥雨溢金塘聚浴鷗
杖策況隨滄水使解纓長羨白蘋洲

寄贈寇體乾進士尹廣平

美爾獨隨飛鳥去
邑人遙望雙鳴騶
郎星天近輝昂野
薊闕雲生接冀州
路水署香曾對酒
朔塵官况復經秋
少年作宰定嘉績
千里相思罷倚樓

送黃後溪守潁州

仙郎粉署有聲華
五馬鳴珂出帝家
漢室淮陽還去國
王尊蜀郡並驅車
烟塵晝靜天邊
瀉霜雪春行江上
花
此去何須愁道路
薄遊今已困風沙

至昌平有感

遠郊風葉點人衣近郭危樓敞暮輝山迴龍虎皇輿壯
馬放駒駖戍鼓稀日月行藏玄鳥逝關河感慨白雲歸
時平守帥休空喜莫使燕雲羽檄飛

朔日昌平城登覽二首

上谷孤城對水濱滿城冬旭裊烟氛天開秦塞饒黃草
路入皇畿長白雲萬里烽烟代野至五陵佳色壽山分
四夷自古明王守勒邊誰數李將軍

宿雨山城淨曉暉高樓臨眺思依依仙人枕上雲初散

白馬關西鴈自飛古木寒鴉啼朔霧荒陴遲日上征衣
天山直北誰傳箭目斷秦兵未解圍

望居庸

天山九塞有居庸設險功誇六郡雄山連白馬懸胡月
塞壓黃花多朔風未報捷書飛大內尚聞獵火照雲中
北平飛將今誰是東南芻輓已無供

悼陵陪祀

絕壁丹流萬葉紅秋峯長鎖翠華宮愁雲玉座松楸裏

落日金鋪霜露中
鳳葆虛留栖漢月
鷄鳴無復賦齊風
聖情追遠遙悽惻
冠舄趨陪百職同

泰陵

敬帝垂裳上造日
遐荒扶杖中興時
宵衣午座蒼生繫
國論邊愁大老知
四海未銷虞陟淚
千官尚想漢宮儀
鼎湖惆悵空龍馭
瀚海風生萬壑悲

望陵

本朝陵墓枕天山
巖嶽護靈虎豹閑
入夜梧楸時浙瀝

飛泉礪壑晚潺湲龍藏萬里蟠王氣象衛千秋控帝關
瞻望不勝埃滴意嚴趨神路珮珊珊

功德寺觀三宮感懷二首

丹梯翠壁鬱煙霄宣帝行宮鎖沈寥牧馬池荒殘百草
釣魚臺古長青苔宸遊夢到華胥上仙仗巡非汾水遙
曉向危樓瞻氣象雲端佳色護蒼堯

憶昔宣皇遊幸初時看水艦戲西湖江花海石藏秋浦
雜珮華裾駐玉輿天地百年殊感慨日月三殿自虛無

登臨欲下牛山泪
檜栢吟風夕照孤

望湖亭

望湖亭倚碧山隈
不盡長天萬里來
水濶槎從雲際泛
波涵仙是鏡中開
霏霏曙靄芙蓉落
宛宛晴沙鷺鶩迴
垂釣解纓本吾事
臨風把酒興悠哉

龍潭

卧龍潭在碧山岑
噴沫蟠渦自古今
隱隱蛟蜃逃靈氣
時時風雨激高吟
青天日月懸相映
白晝雲雷黯自陰

會見九霄噓黑霧即看四海望佳霖

呂公洞

高頂可憐呂公洞礪砢危石相拄撐根豁一門山欲斷
泉流四野晝常清險絕故須秉燭入蒼茫祇恠傍雲行
藏虬蟠鱗理或有冥搜恐觸神物驚

碧雲寺晚飯

近郊蹙踏已塵跡抱郭清切復禪樞斜陽古殿鴉亂集
積水短蒲鶴並呼客病正宜依梵寂情超直擬仍仙都

憐爾風松故相戛倚此烟茅絕可誅

出碧雲寺道中望香山

廻馬已失碧雲寺舉目還望香山陞峯巒近日秀可結
樓閣樓雲深不移靈帝翠旗颺欲下仙人玄鶴飛相隨
瑤花璫草如可得青藜白筵任所之

登圓靜寺後山携張子汝思

策馬清隨滄水吏捫蘿幽到碧山岑最憐絕壁流霞氣
況有澄湖清客心落木蕭疎明遠近行雲縹緲靜高深

靈芝紫巖亦吾分石髓丹砂與爾尋

宿碧雲寺

杖藜日晚尋丹壑解騎霜晴宿碧雲十月懸泉飛玉瀑
三天現鏡轉金輪雕梁曲檻蒸霞氣翠瓦朱甍墜露紋
石榔牛山俱有恨長留涼月照瞿曇

宿混元靈應宮

玄宮東瞰皇畿迥碧水西滌漢甸斜初月清懸仙子洞
歸雲深擁羽人家珠林招近十年鶴瑤篴分探九鍊砂

未駕青牛凌紫氣且乘白鹿住丹霞

鎮國寺與張子對酌夜談

松栝枝團廣岫陰仲冬涼月靜蕭森青山白水隨生事
高榻芳尊共解襟畫省香烟空入夢遠公白社許相尋
依栖擬問三天法長嘯真懸萬里心

贈王仁和邑博

廣文先生笑索居越中勝事定何如雲峯對席惟耽酒
芳草閉門足著書觀海秋濤天地浴彈歌夜缺斗牛虛

旅山寂寞梅花晚遲爾六橋白鹿車

病中呂從野水部邀不赴賦謝

宮雲曉度濕晴沙退食烟齊省樹鴉燕闕春回催玉羽
鳳墀日暖映金花文園不起茂陵卧朔雪虛迴剡曲槎
綺席瑤觴違命賞露蘭風草惜年華

病中謝鳳儀過訪

一春卧病長安裏伏枕荒齋歎索居風動蓬窓依玉樹
雲傳仙侶駐瓊琚宣城鄰並違下榻司馬窮愁錯著書

四海弟兄吾與爾霞冠月舄未應踈

送阮仁化邑博

庾嶺雪深君獨往曲江風遠故遺思
風流苦憶青氍毹在世難忘白髮欺
阮籍沉淪元嗜酒鄭虔樗散亦能詩
行歌莫近啼猿樹宦隱真堪采藻池

送黃長興尹葵峯

兩年見子開青眼萬里共依帝闕雲
剖竹新分鄣子國携琴遙向越江濱
青春黑綬光堪拂落日離歌調忍聞

雪水峴山多勝事風塵愁望正思君

金山雜詩八首

崔嵬樓殿俯金山窈窕亭臺引玉泉羽獵連屯萬虎士
水嬉齊奏六龍船徵歌樂選燕秦伎聽法筵叅摩遁禪
宣帝巡遊甘脫屣侍臣扈從總登仙

武帝乘輿駐翠微西山重見五雲輝羗兒掣馬行營疾
校士射蛟水榭圍霞氣如臨仙醴瀉泉聲故近御筵飛
至今草木遺光寵日暮遙瞻冉冉暉

省嶂迴巒莽不分紫烟蒼靄晚氛氲樓臺拔地千峯起
鐘鼓中天四壁聞畫棟雕甍回日月曲池伏竇定風雲
高僧盡住黃金宇護勅並鐫睿藻文

康定陵前栖夜烏盤林鬱鬱鎖松梧總聞再造驅戎馬
不見千官拜鼎湖內使司香開寢殿祠臣常祀掃金鋪
翠華縹緲空中度絳節靈應羣帝俱

珠奩玉盃扈繁芳遺令千秋祇自傷落月恍聞環珮響
陰風猶散綺羅香蘭蘅湖上疑湘浦雲雨峯頭似巫陽

寂歷羣山花自發為看當日倚新妝

累累青塚碧山隈銀海銅泉中映迴百歲吳閭寶劍出
一朝茂苑玉魚來牛羊晝下新樵徑牧豎夜窺舊鎖臺
又道東阡營石柳路人徒有雍門哀

青郊迤邐接城闌湖水西來繞御津錦里豪華紛轉目
芳原池館錯圍春金堆石谷朝專寵玉潯盧塘帝近親
三輔選遷元此地五陵俠貴定何人

西山巖嶭奠金方白帝精經龍走藏水學澗伊縈洛邑

原開鄠杜壯咸陽雲霞氣結青蓮宇粳稌脂流碧玉光
恒鎮濤濤天地險湯池金郭帝王邦

春日
和夏桂洲尚書韻

仙萼二葉輝春明御柳含煙拂禁城北海鯨水衝氣動
西山霞樹入看平旂迎周甸輝龍藻樂下堯庭雜鳳聲
獻歲栽花光聖壽晞暘歌舞應時清

附見夏尚書作

二月逢春春日明鮮雲旭日冠高城千官表拜當華歲

萬國朝元賀太平
冰岸煙濃將柳色
花林風暖欲鶯聲
承恩未獻椒盤頌
珮玉瞻星下紫清

春日東郊二首

仲春郊曉望春來
待鳳城東旭日開
錦里恩輝多邸第
青陽氣色滿樓臺
遷鶯出谷風徐應
變柳分林霧暗催
熙澤幸逢羣物泰
全生竊荷大鈞裁

苑外雲煙接禁長
東郊風日麗新芳
飛峯冒靄全低樹
遶澗分流半入塘
角戲游塵遙辨陌
探丸俠騎競趨場

金明池 卷七
迨時行樂須華盛碧草萋萋不可忘

東郊朝日壇

扈扈崇壇冠景崗
翔梧灌梓鬱分行
金鋪異鳳層壇列
玉磴疏龍四陛張
雲氣承暉皆赤色
靈坻効位正青方
欲觀聖製光宸極
為識羣心奉太陽

奉祈於朝天門迎詞

漢主齋居太乙壇
方春修祀表祈年
祥虬扶籙交仙葆
青鳥銜書近法筵
尚璽親承蒼玉案
羽師跪授紫泥編

長奉光天神道教登釐無謝福為田

春日觀南城同禮曹諸子三首

城南林囿窈窕迤雲裏樓臺互蔽虧半級朱欄千品實
全交繡戶萬年枝河流倒接星潢注峯起如將日觀移
在昔躍龍餘聖跡於今試馬耀乾詞

離宮往往像神仙誰擬甘泉起漢年複道橫看連象緯
曲房深轉貯雲烟穠花齊發粧靈圃雜樹分榮蔭御川
但覺觀遊皆出世不知劒舄已昇天

朱曦禁苑盡芳菲傳道宸遊轉翠旂製拱珎金丹鳳綯
疏橋累玉素虹飛風泉數處歌絃合花萼千名錦繡圍
正覩乾行行幸處銜恩無地不光輝

東昌題任元樸御史園

選地幽棲近水湄野人爭席鳥忘機垂楊裊裊供書帶
蔓薜青青取製衣不學蔣園延客少却嫌鄭谷受名非
任公本擅投綸術可以方壺作釣磯

謫毘陵發都下

臨岐南北垂雙淚誰識楊朱失路嗟在野自疑非虎兕
此身已解作龍蛇壯圖中失逢時感竢罪南遷拜惠嘉
恩予晉陵猶不遠其如卑濕類長沙

至晉陵

本因懷壁自招尤覆水成泥豈再收行澤却防漁父問
入山恐負晉君求東書長嘯辭京邑捧檄逡巡到本州
入境棲棲誰解者傍人應謂一官謀

在郡作

憶從束髮通朝籍才薄遭時報効賒直木孤生先得伐
明主太潔易成瑕朝天路絕辭風葉去國身輕失水查
竄迹元非明主意銜恩不忍赴懷沙

月夜同姚在明濟上觀水

盈科流水濫湯湯映月涵空更可望
泌沸千淙珠比色澄泓一曲鑑為光
遙遙銀漢微分景宛宛金隄與障狂
取適有同蒙吏傲兼携惠子在濠梁

贈郭水部郎中治河

河出崑崙決孟津司空治水智如神下槌欲濯淇園竹
荷鍤皆徵韓國人玉堰七星遙證斗金隄千里不飛塵
若逢漢帝來沉璧應免從官助負薪

彭城送謝道安舉人應試

少年挾策趨上京俊美多才衆所榮稷下雕龍叅辨駕
郢中白雪擅詩名他鄉不料逢論舊臨水那堪復送行
旅竄慚予非狗監聞君已賦子虛成

江上送毛太守入覲因寄舊遊三山諸友

念別須臾已歲餘忽逢江上意何如心悲不語傷時事
眼看雙分畏簡書遠水片帆天際沒晴窓古木岸邊疎
故人相見倘相問芳草閒門是謫居

留都二首

徒然往日矜佳麗地作天開祇在斯吳楚近郊畚作苑
江淮流水即為池塵遮白日疏三市象應星文置百司
太息六朝詞賦客何如生覩盛全時

帝京歌舞盛歡娛表裏山川勝畫圖金埒藉茵遙出郭

朱樓照水蔭通衢妖氛洗後江長靜王氣生來地盡蘇
若使墨卿稱主客不論漢室有西都

恭覲留都大內作二首

壯麗誰言漢未央鉤陳華蓋翼明堂千門旭日光分映
雙闕中天勢欲翔前殿曾聞臨遣帥離宮屢是從諸王
微臣已恨生時晚拜手徒思頌太康

欲知開造與天侔聖跡難尋帝業留苑外河山紛錦錯
城中樓闕若雲浮深宮紅樹春長閑高掌金盤露不流

常現瑤空雲五彩曾隨仙仗奉宸旒

春日行觀禁中高皇帝舊苑二首

千門臺殿碧波流咽盡寒聲出御溝
天上橋山仙馭遠人間圓嶠禁城幽
花狂不記當筵舞魚巨曾經聽樂遊
垂柳依微春不展為思恩幸半含愁

芳菲御輦屢經過寂寞於今歲月多
草色猶如思望幸鶯聲尚解轉當歌
更衣帳冷空瑤殿窺鏡臺荒咽玉河
太液宮前舊池水年年春雨長新波

寄贈黃宗獻守瑯州兼東顧與新憲使

主恩懷遠托分憂，萬里乘空并是遊。
百室日南開北戶，孤城海上俯中流。
津橋喧處為珠市，郡國晴時見蜃樓。
持斧風流賢使者，政成觴詠接諸侯。

送郭世重出守南寧

朗寧荒絕不堪栖，遊客思鄉轉路迷。
千嶺驟昏如瘴起，四時不斷有猿啼。
編氓半是居蠻洞，行路相言避毒溪。
千載播遷仍寘遠，好憑鬼卜問南雞。

幽居翫雪東人二首

肅肅玄陰冬布令紛紛白雪晝凝華明姿敵日堆難散
弱質凌風舞易斜楚地有田皆種玉寒空不樹自飄花
此時正憶離居者贈把瓊英比折麻

江城雨雪及春歸三白呈祥表應祈

時禮部祈
雪雪降

皜素凝

華因地積輕盈弄出關風飛千峯掩翠皆同色四野垂
陰倍有輝獨羨仙郎操妙曲聲高真使和人稀

移居

栖栖微祿豈謀身擾擾移家學避人
高柳欲栽當外戶
青山依舊借東鄰
門無車馬何須僻
窓映圖書不為貧
籍繁中朝心在野
誰知陸地有沉淪

高祠部子速訪予告中值予出遊不在見投贈

章卿用奉酬

因病相侵却得閒一官方在是非間
身同雲出無留處
住近城陰獨掩關
高士已題鳳字去
野人空共鳥飛還
閒窓寂寂春光早
惆悵清揚不可攀

出遊城南山寺

一官常懶愛僧閒，來往禪機每扣關。
綠柳閉門空自長，白雲出岫不知還。
欲牽簪紱奈微力，豈少鶯花非故山。
那似匡廬為社者，投師不遠栗林間。

遊朝天宮

蓬萊元自道家山，簾戶陰陰珠樹閑。
乞向朝中除仕版，却來方外着仙班。
花間犬吠知人至，空裏鶴飛為客還。
一扣玄關回念想，因悲擾擾在塵寰。

登江東城樓

花片飛飛柳色深
登樓一倍攪鄉心
長隄烟草迷人去
遠寺夕陽帶磬沉
江水無風時起浪
春雲不雨每成陰
躊躇滿日誰相會
惆悵前林倦翼禽

春日懷歸

東風送煖雨晴春
柳色鶯聲滿四鄰
道勝自然千慮捨
身閑何戀一官貧
朝來廢櫺看山色
日裏扃扉避世人
豈有微才逢聖代
空令失計遠嚴親

遊天界寺逢蔣南冷子雲留贈

香林新雨四無塵
綠樹初齊古寺春
病起獨尋芳草路
林中偶接放歌人
未酬談笑形相得
稍問姓名意已親
落日還歸城闕去
愧君雲水一閒身

請告弗允赴省作

腰章束帶不勝羸
還顧自身却自疑
田畝難忘平子賦
雲山也笑尚書期
出門騎馬逢人懶
曳組升堂畏鶴知
舍裏青青春草待
若為留色慰幽思

請告弗允後寄蔡比部道卿

無才豈料乞身難強學城東且閉關
世事浮雲機久息故園芳草夢空還
春栽藥品因多病日理圖書轉覺閒
不得自矜年少壯相思一夕損紅顏

省中

古木陰多鶯亂移白雲不去伴留司
侵堦草長閑終日拂印塵深鎖幾時
散地非才容吏傲低頭寸祿令人悲
頗耽恬曠頻敲枕僕從翻嫌出省遲

哭梁宅之

天道蒼茫不可知，重泉寂寞所從誰。
祇餘蘭氣芳華省，獨有螢光識敝帷。
無使求書忘舊草，何人脫劍贈枯枝。
蕭條落日聞鄰笛，淚盡無由世上期。

和李司業懋欽登廬山石耳峯讀空同先生之
詩作

同聲殊世易懷思，惆悵風流不在茲。
真蹟愛從苔刻認，舊題多是野僧持。
張衡不負楊雲待，屈子能令宋

玉悲流落當年何足恨斯文今見後賢知李詩有誰令
流落明時去

題箬溪草堂贈顧中丞

箬溪溪上箬陰繁主人葺箬卜溪源近市荒惟三畝宅
負城幽是一邱樊雨滋蘭蕙看成畹徑長蓬蒿漸塞門
大德如今俱小隱壯懷相對欲何言

夾浦舟中別李湖州邦良

簑篁夾岸似湘陰一夕孤舟千里心地遠誰憐臣道枉

官貧轉使故交深幽蘭自馥皆同臭折羽卑栖各異林
臨路殷勤何所贈匣琴珍重少知音

游茆山贈兩道士二首

厭世歸心大洞天玉皇按籍許為仙身飛金策朝元去
手捧瑤編拜闕旋白日鷄鳴霄漢裏古時杏拂羽幢邊
自言棄跡方成道枉誦從前內外篇

尊師得道貌如童追躡岑峯但使風母道姓名千古上
時聞笑語五雲中開山指顧逢秦禪行洞應知與蜀通

憂患相仍兼疾病願祈一粒發凡蒙

宿茅山栖霞道院

涼月高松翠影長石壇陰洞映蒼蒼山煙發氣鄰丹竈
澗水流芬漱藥牀靜見道心生白室閑披仙籙檢青囊
投身未卜他年計明禱茅君一瓣香

游茆山東唐太史應德本與唐期往而予不能
待因以嘲之

聞有人間不死庭遂歌招隱浩長征巢鶴青松年共老

經泉白石色兼清神君跡化名空在幽洞花深客自
行為語嵇康仙分薄縱逢石髓也難成

寄題吳興吳太僕園亭

吳興本是佳山水況復名園選勝開曲引苕溪來漲沼
平分峴石作層臺琴書數處無塵事花鳥三春有酒杯
他日南尋天目頂因君清暇得徘徊

餘干李春江先生致魯國左相而歸先生昔貳
泉郡予方髫年在諸生中最荷獎識展拜感

舊情見乎辭

登堂懽宴挹冲襟為問先生邇在林
晚愛溪山輕相印
日邀里族費家金門前流水心俱遠
市裏囂塵跡自深
却憶受知童子日徒然長大祇如今

寄陸憲使選之李提學雅大田叅知叔禾三君
昔同禮曹今居官嶺外

端居離索歎盈襟却記當年寵遇深
抽筆每叅原廟對
橫經曾侍辟雍臨恩私難恃看孤跡
職事無稱抱寸心

嶺鴈江魚俱寂寞相思何處寄同音

送陳中川之汴藩雪中作

衣冠出餞曉匆匆白雪紛紛灑映空
皜素明姿偏敵日輕盈弱舞不因風
裒塵故為迎新隼飛片猶如點舊驄
獨把瑤華當別贈清輝瑩質與君同

題將軍遊騎卷

青青細草滿平原故將飄零馬足閑
春日朱樓垂首過暮雲赤坂獨身還
偏裨各散他門下歌舞盡銷舊帳間

明月琱弓閑在臂不忘掛箭出天山

送宋龍門行甘州太僕

磧路蕭蕭關樹微君行萬里事戎機忽到河源知地盡
試登隴首見人稀時平塞下降羌靜野曠秋餘牧馬肥
却笑漢家求大宛貳師再出只空歸

論文示門人方元煥晦叔

琴名綠綺舊曾攜柱是連城明月輝曲裏其人如得見
彈來於世肯聽希終身已分長拋擲拭目聊為一取揮

傳得廣陵真散後莫令手指與絃違

樂平道中暮宿田家

風雨蕭蕭僕馬煩客身寂寞託空村
深聞夜杵應傍舍靜對寒燈獨掩門
難竟孤眠尸吏媿猶慙一飯野人恩
晨興欲問田家樂官騎催程不得言

德興道中東陸毅齋憲使陸君昔同在禮部

客意悠悠忽自悲容臺憶共奉恩暉
春城柳色趨朝入天路香烟扈祀歸
官冗方知思昔遇途危猶未覺今非

舊遊零落俱何處
職事逢君得暫依

臨川郡樓張都閫招飲

樓閣崔嵬俯一州
當樓置酒楚天秋
參差梅柳軍中樂
高下溪山城上遊
席照滿輪宜取醉
林飄一葉正關愁
銀瓶頗恠傾難盡
曾換將軍舊紫騮

中州道院夜宴

孤舟宛在水中央
仙洞深深草木香
林下鶴行隨得路
徑邊蘿蔓過肩裳
興來斟酌瓊漿瀉
吟罷參差玉樹蒼

白露滿天河漢淺還城燈火一川長

逢鄭廣文先生

童年釋菜及門墻在泮常依芹藻芳座上談經分半席
齋中鳴鼓接餘行徒持章句貪干祿獨守簿書媿省方
十五年來音問濶何期今日復升堂

贈郭僉事以亨起復入京

風塵淪落故交忘水上相逢益自傷持牘空慙勞吏道
操觚終念戲詞場須臾握手王程迫牽引離心江路長

此去帝鄉應似客除書不省出何方

江千春評事使南昌予適以事行部豐城走筆
寄贈江雅善鼓琴因以琴為賦

古琴宛轉作龍形絲白桐堅各有名桐出嶧山孤幹植
絲從天漢七襄成何言異質元同調不是知音豈發聲
水綠山空清夜裏如聞別鶴兩方情

予行部豐城建安李君時言往提督滇南道出
茲邑相見甚懽君出高文見示稍為論訂遂

及性術之辨最多往返

一從為別苦無懽汨汨交遊意不存此道常遭下士笑
將心懶向世人言斜陽萍水逢攜手深夜蘭燈惠討論
不悟當筵忘肉味含情相對似窮源

廬山

衣袂翩翩接鳥翰營迴磴道出千盤峯巒拔地紛殊態
樓閣中天起壯觀斜日色開三楚秀微雲陰散九江寒
將同名嶽期終老且向匆匆客裏看

春雪同省長諸公讌集

絳蠟燃宵深院闌
廣庭積雪不生寒
春聲笛裏梅花落
夜色杯中竹葉乾
座上拂衣先起舞
燈前改席更留懽
人生分合兼衰健
今夕須知一醉難

宿天池寺示同遊薛仲常

在世多憂坐自拘
微官未得惜馳驅
因尋絕頂無人跡
偶滯高齋減病軀
理髮晨光窺石鏡
焚椒夜氣對香爐
一心生滅元無取
不語但應爾與吾

石鏡香爐
俱峯名

宿天池寺明日下山寺僧相留予愧其意爰題

西壁

陰陰松竹覆層巒
蘭若深開曲徑寒
樹裏燈緣傳法現
林間花是講經殘
窓臨石鏡天長曉
門掩珠簾夜欲闌
釋子相期無以荅
未除妄想為微官

登佛手巖屋角嶺諸山

緣崖百轉幾經休
迴複千峯晚氣浮
路絕見僧行樹杪
猿鳴呼客入林幽
平看珠斗懸燈影
俯瞰明河激澗流

頗似謝公高簡性領州不自廢山遊

由大林寺尋講經臺因循香爐峯側下山

十尺飛蘿手自援鳴泉數處弄潺湲半峯栖霧逢僧濕
絕徑穿雲見虎間岸幘正宜巖石上褰衣時傍竹林間
夕陽翠嶽看尤好去路心知是下山

暮雨投圓通寺宿

野色蒼蒼遠寺微因聞鐘梵起歸依僧間正伴谿雲返
客倦偏逢夕鳥飛一院燃燈通暗路滿空香雨沐塵衣

齋心願學無生理漢綬嬰身歎跡非

得舍弟道原書欲來豫章久而未至

報書省我喜終朝日日相望竟寂寥尺素翻疑魚腹幻
寸心真惜鴈行遙夜長絳蠟花空艷秋色芳池草已凋
愁極欲將荆樹植連枝照室免蕭條

除夕示原弟卧疾

深夜殘爐火剩紅如灰一念懶書空欲歸舊里時難決
未遠初心歲又窮寒色暗消燈焰裏春光細入漏聲中

客居寂寞真憐汝骨肉情親病亦同

元日於藩省祝賀述懷東徐少湖太史

蒼蒼寒色滿嚴城霜露樓中刻漏清烟雜燎光看曉淺
風搖燭影覺春生壯心已謝鷓鴣侶病齒空餘狗馬情
才薄本宜長遠斥問君何事厭承明

送袁生應樞携室入京覲省嚴介谿宗伯袁生
宗伯之壻

青青春色起平蕪客路携家正可娛雪映船窓開卷用

風吹江水掛帆須丈人已立中朝岳愛子真還合浦珠
借問南宮趨侍處何如片玉在水壺

送孫豐山叅知入賀明堂大享禮成孫與予先

後為禮部

送君南浦思翻飛前後為郎入禮闈直以遊談叅制作
更持文史荅恩暉周南跡滯臣心遠汶上圖興帝道輝
舊賦甘泉還有筆好將再染奏垂衣

送方苞庄僉憲入賀明堂禮成

豫章解纜雪晴消計及長安淑景遙垂柳新陰看向苑
啼鶯初曉喚趨朝心同江水如歸海身在釣天喜聽韶
左个春開應有問何如衢室帝為堯

月令春居
明堂左个

遣興

生平不省緣何病日夜憧憧抱百憂自向心中除害馬
便將身外等虛舟好閒幸爾遭無事寡援寧須請絕游
竊比前人為祿隱不妨世上且沉浮

再至德安公署

為官懶拙本無稱樂業田間寡訟爭閑署簿書終日靜
孤城草木及春榮行庭最愛蒼松色隱几翻嫌鳴鳥聲
屢向此中民不厭年來自哂近人情

錢侍御出遊東林予留江州城中阻於陪從作
此奉東

達人蕭灑樂烟霞自向東林問楞伽脫却繡衣掛貝樹
更騎驄馬踐香花坐中山色夕陽亂門外溪聲春水加
城郭匆匆多事者愁看遙巘片雲遮

錢侍御宿天池寺疾作召醫予屬有事不及往

問以詩代東

聞君耽卧南山阿為戀繩牀起病魔法鼓揚聲生寂滅
香池涵照洗煩疴翻經半與方書雜飛靄偏從枕席多
問訊有懷難自往空令示寂作維摩

送趙教授志貞

居藩寂寞久無歡聊為伊人一解顏嗒然語合形骸外
去此交存神氣間共指馳驅循大道更期著作副名山

一尊臨路情難盡原草含黃暮雨間

移官河南報至作

赤雀翩然銜尺書書中忽報有新除世榮已付浮雲外
生意翻為腐草餘悔把青黃災斷木却教鐘鼓饗爰居
一官虛謬頻遭調寂寞揚雲愧不如

過劉實夫墓下作

斜陽片景水潺潺堪歎先生永閉關寂寞一抔埋白骨
蕭條幾樹掩青山不懸寶缺枯枝上空灑瓊珠宿草間

人世相期那得見千年應作鶴飛還

弔李空同先生

空同先生之風予慕之久矣無由一見比以
謫官稍遷汴省獲訪故廬而先生冢子伯材
亦辱過從之雅故末句及之

大梁竢罪異長沙託賦河流比汨羅明月投人遭按劍
陽春驚衆寡賡歌幽局路閉黃鐘絕副寫書藏玉屋多
論次舊聞應有泣史談遺業竟如何

蘇門山

性愛名山恣懶頑每逢佳嶽便開顏
岑峯忽躡蘇門頂清淺兼臨泉水間
地勝絃觴寧為賞心閒魚鳥却相關
坐思善嘯巖栖者不得神遊接往還

百泉

名泉千派遶共山匯作共池碧樹環外物都從泉上淡
中心獨向樹邊閒鷗鳬群戲翻珠碎荇藻叢生點鏡斑
此地真宜投袂隱堪悲朝往夕來還

送胡中丞可泉西歸

廣野微塵柳眼青
衣冠飲餞一城傾
還家且有藏書富
解組真同脫躡輕
路出峽陵桐樹盡
旌飛灞岸嶽蓮迎
歸田賦就身猶繫
因送將歸客念盈

時某方有乞歸之疏故未

云句

送竇憲長入覲

離亭杯酒日初曛
征馬長嘶首北雲
為畏簡書三載覲
自陳功伐四聰聞
試言定拜綸音重
錫宴應沾御醴芬

欲問風裁清海岱但看滿路雪隨君

送正郎之留都

秦淮綠水石頭城此去遙知愜宦情
望國定瞻龍虎氣登臺試覩鳳凰名
風流却值山川壯形勝應逢賦頌成
憑君莫自傷留滯漢室由來重二京

承西亭惠梅愛其香色賦詩

一枝疎淡在銀瓶虛室蕭條冷氣生
近嗅幾迴憑小几貪看數起繞空楹
支離形影元相得寂寞心魂轉自清

却想前人東閣裏孤花同賞不同情

詠折梅用前韻

月掛疎簾水滿鉗一枝誰折報春生肯辭帝子分瑤圃
來與幽人伴素楹香雜藏芸飄帙細色侵囊雪入幃清
漫唱巴歌投郢客引商流徵也同情

雲東次前詩用韻再呈

盈盈素質映銀鉗誰識仙葩此寄生初滿室時風入戶
正宜人處月窺楹况逢高韻能同好未許幽襟抱獨清

共指羅浮山上約便堪脫躡世中情

李少泉見投折梅之詠用韻奉荅

紛紛百卉盡為臣讓却花王占斷春對雪閒吟巴里客
折枝相贈大梁人微香偏觸觀書夕踈影宜看置酒晨
異室同心投秀句獨憐如玉不能親

荷亭讌集用龍雲東臬長韻

南薰扇物夏初深久廢歡娛為客心共得池臺開遠賞
時將絲竹間清音微風澹蕩輕炎暑竟日淹留到夕陰

此是梁園歌舞處因抽兔管命同襟

壽王閒齋

不好為官早乞身
翛然平世作閒人
林中築室知山性
窓裏焚香養谷神
絳老六身推甲子
椿年千歲是青春
清泉白石長無改
應與先生結德鄰

贈李介石徵君

廉似於陵不灌園
形骸都喪我偏存
機當自適宵為蝶
樂少人知曉負暄
笑却龐眉謀漢貳
嫌將清耳污堯言

獨嗟太白非愚質願事陽居學食純

同陳瑞山蔡可泉遊覺海諸山

吾生寡好獨耽竒更接良儔汗漫期嘯向空山成節奏
行窺止水鑑鬚眉坐茵每藉林中草解珮時懸石上枝
顧謂同心高蹈者便堪脫躡視妻兒

由覺海寺訪龜石巖路中作

廻環疊嶂欲迷方來往微通一徑長恠鳥啼多山更寂
閒花落盡樹還香鳴泉數處褰衣屢側石千盤策杖妨

沉病嬰身形已廢獨於遊踐力能強

訪何默甫文學讀書山房何兼授徒

一室閒開向翠微獨諧幽意託垂帷
手中編絕緣披憤舍後園荒為懶窺
林木栖雲陰講席山泉帶雨漲書池
帳前弟子無休暇共說身親樂事師

訪王閒齋山居賦贈

新晴巖壑翠成圍多暇邱原草木肥
坦卧空林花墮腹行穿曲澗水濺衣
簷楹半着烟霞氣鷄犬都忘世俗機

一欸幽居生靜逸因思家在市廛非

寄黃小竹遂昌

聞君領縣括蒼東瀟灑為官有道風
每夜猿聲如舍裏四時山色在城中
薤間置水姦皆息花下鳴琴訟自空
遙憶潘生多暇興欲將佳句覓來鴻

聘魏山人卜先大夫葬地同行山中作此呈之
苦披喪禮不能終行抱深憂路若窮地上菁莪皆是蔚
林間高樹易多風宵柴病骨擔難弛絕線愁腸火更攻

居倚前廬何日反欲憑仙術禱楊公

得東山吉地志喜呈魏山人

芳名表地記東山佳氣氤氲曉夕攢水學之流成九曲
岡如龍躍自千盤天地應為今日待神奇寧許世人看
不緣抱痛祈靈術誰識明師一遇難

送江山人

山人資術恣浮沉妙得山高與水深地理直從分野辨
河源真笑鑿空尋折枝林裏成穿杖舉袂人前表合襟

金匱要略卷之七
卷七
已學蒙莊儲葵具明師相遇若為心

寄贈王秀才客遊括州

猿狖千山易惹愁
嗟君聘轍為誰留
貂裘已敝書難上
狗監未逢賦枉投
為客應多迎解榻
此身且作汎虛舟
高林豈恨行遊滯
侯貴如今重谷樓

送陳西巖山人兼寄蔡鶴山徵士

自將形質混塵煩
獨有風神衆所尊
託意偶談山水事
好遊不謁貴奢門
道存已解遺身世
客倦猶思返故園

遙憶一邱歸老處惟應禽尚晚相敦

贈魏山人

人人道是郭先生測隴窮支到窮冥流水去來無遁性
諸山向背盡分形手中青杖標千法袖裏囊金著一經
願禮明師求片語愚蒙何以假仙靈

挽蘇秀才

少年詞學盛朋遊賦命乖違與事仇抱志竟同川水逝
生才偏使玉樓收托孤內友猶玄髮哭子慈親正白頭

每把奇文思似玉泉臺冥漠見何由

送陳司訓奔喪還嚴州

搖搖心曲似旌懸望市過城益黯然力盡重趺行嶺外
眼推雙涕灑江邊猿啼於越千峯雨星帶嚴灘獨夜船
舊日門人來卒業經中應廢蓼莪篇

送何叅議分守承天

當年白雪流歌地此日黃圖啓錄基代卜共瞻龍起處
汾遊猶記鴈飛時離宮草樹豐馳道原廟衣冠閔奉祠

最是聖情勤遠念榆鄉節使選材移

翁以時新移所借育泉里莊氏之宅

移居寥僻遠城隈自說近人易染埃愛物還將鷄犬去
悅生好取菊松栽却笑非公家是寄毋庸謝客戶任開
白衣教令知來徑欲遣清醑就綠杯

歲首與道卿偶集月臺寺同道原舍弟

閑行曾不記春芳忍草當堦忽已長綠茗煙中消病力
紅蓮焰裏惜年光求聲鳴鳥知聽法承萼開花好近香

懺悔便從今歲始相期禮足奉空王

春日登城同舍弟道原

春城曙色曉葱葱步履危墻已好風
萬井遙分初日下羣山微見遠烟中
歌鐘乍動高門閉車馬相從大路通
不悅紛華惟小謝愛余涼躡本來同

城樓與舍弟書事

城中多事厭招隨獨上高樓愛弟携
林果垂枝攀讓實檻藤布葉取賡題
朱旗日閃青原靜畫角風生暮野低

最是忘歸心會處桃花新吐草催齊

精舍與原弟夜坐論詩

家貧春日獨無營虛館相看兩弟兄
窓外方池知雨罷城頭片月帶雲行
情諧語笑忘年長興入篇章覺夜深
還就空齋成寤寐池塘春草夢中生

元夕獨坐

幽居猶惜歲崢嶸獨坐迢迢忽二更
遙夜紛華千品動空堂寂寞一燈明
魂消舍北笙歌發心靜門前車馬行

頗被時人譏寂寞胡然閉戶古先生

論學示友人雜詩十首

充塞乾坤惟此理更無古往更無今一腔子是陰陽會
七尺身為天地心本是完成寧用補元來無失不須尋
此語驟聞如未信但將此語細沉吟

中立亭亭四不偏何人識是靜時專此形而上方名道
未盡之先自有天尋逐必然終入俗虛堂寧免誤淪禪
莫向其間求可執前人訶破謂無權

俗學牽纏醉不醒而今指破與君聽
沉迷傳註何殊蠹
依倣科條即是伶
過轍却來尋軌道
辭家翻去傍門庭
宣尼若曉今人學
應悔當時著六經

天付於人有此身
此身用處是元神
眼底自能分黑白
舌端也會別鹹辛
求添一物偏多事
巧出千般總離真
但信本來渾具足
先生何用太諄諄

汨沒近儒文義教
一生機枉速飄風
却行翻訝身居後
兩聽虛疑耳不聰
神化何曾離日用
經綸元只在淵衷

從今游行高明地始免徽纒與棘叢

至道之精豈着言聊將言語訂迷頑心思起處先離位
聲色大時更沒關昭氏鼓琴成毀際輪人斲木苦甘間
此語諸君如善聽清源山即是尼山

埋沒精神鑽故紙世儒拘陋信堪羞專從事業尊堯舜
直以能多識孔周懸想一生思出位勞心終日因旁求
沉綿此疾真成瘡苦口良方誰為投

好徑人多道本夷自為煩苦自支離省存判截靜和動

先後分開行與知敬義夾持寧免二誠明兩進已成岐
當時呼得曾參唯一貫之餘費甚詞

筌以求魚蹄取兔兔魚初不在筌蹄畫舟訪劍將何得
買櫝還珠亦太迷牝馬健行知作用潛龍不拔識端倪
古聖我思心實獲美人遙在一方西

充盈象器極高深要識惟微是道心何處天明非出王
未形神鬼已昭森尸居寂寂偏龍見暗室冥冥有日臨
請驗此時真太宇豈容一物妄相侵

送俞志輔赴闕自效

漢家征虜羽書飛壯士貪恩覺命微手拂龍泉生勇氣
胸藏豹畧暢兵機將屠吐谷收蒲類願逐輕車出武威
侯印纍纍酌死戰莫愁少婦泣羅幃

文上人房餞徐山人

久耽幽獨類名緇送客還同惠遠期繫勒好嘶香草地
垂楊偏拂法筵枝杯行寂性生飛動袂惹空腸怨別離
從此看君分手去更無人復到茅茨

叅知筆峯宗兄將入京道出吾邑枉訪林居賦
此為別

已無迎送絕人羣猶復杖藜出候君耳洗嫌因聞世事
頭風喜得誦新文中偃息慙龍卧陌上差池惜鴈分
莫怪臨歧頻悵望有誰人肯訪閒雲

哭朱徵君

斲木已逃斧鑿災又隨流水逝無迴每看佳句收詩卷
猶憶清言接酒杯蟲污殘編塵几暗猿吟空帳石林哀

可憐幽徑荒松菊獨向黃泉歸去來

送俞郡入覲

聖堯為帝正垂衣高闕四門納九圍鸞珮再陪鸞造入
隼旗却向鳳城飛筵開白玉傾心醉賜出黃金拜手歸
講德著書名樂職應看歌頌徹彤闈

送汪大尹入覲

作吏如仙有道機雙鳬遙向玉京飛爐烟遶處瞻天表
綵仗開時就日暉理却橫琴調舜曲持將製錦補堯衣

繁花滿縣含芳待好帶天邊雨露歸

題畫扇小景贈顧濱洛

齊紈裁扇月形同點染丹青出化工雲氣淋漓疑帶雨
水波搖漾不關風高低萬樹毫芒見遠近千山咫尺通
却怪主人多好事置身長在畫圖中

挽黃一崖

嗟來桑扈返於真笑寄人間八十春相鶴經閑窓映月
刻鳩杖倚壁生塵獨遺一世同蟬蛻深入重泉治鳥伸

從此江邊鷗不下祇緣失却忘機人

贈章三洲

高才早戴惠文冠
驄馬瑤珂白玉鞍
袖裏諫書人不見
朝端簪筆衆爭看
一封承譴君門遠
萬里投荒崩路難
折翅鵬鷹仍養翮
清秋霜漢待高搏

訪陳舟峯秀才讀書處賦贈

閉門開卷日何長
草木萎黃又見蒼
坐榻幾穿當膝處
飛螢多入照書囊
荒庭鳥跡翻朝几
古寺鐘聲到夜床

攬鏡莫須愁鬢髮凌雲終自達明光

薛南塘移居走筆奉柬

頗怪日來來往踈因知迫歲始移居徑闢三條同蔣詡
家存四壁類相如飛螢日夜疑新案巢燕春還訝換除
借問儲物何所有圖書滿篋麴專車

寄施文山

問君何日滯明時直似朱顏節素絲遠謫長違天北極
量移猶向海南涯猿聲到舍初休吏柳葉飄庭正寫詩

玉體清羸應近藥
朝食努力慰相思

唐翠軒見過

蒙密城西仲蔚園
鷄鳴樹杪類荒村
已無奇跡驚斯世
猶有高人到此門
蕉葉聲中欣對雨
莎茵藉處愛移尊
與君且盡今宵興
莫聽堦前蟋蟀喧

紫峰先生祠於鄉賢謁拜作

閱歲如川寧免逝
惟應名跡不同泯
獨行身後興吾黨
沒祭社中是此人
桷刻施丹嚴設像
池形類壁奉游神

自慙未死頑麤質兀守殘經媿後塵

訪郭白峯山庄不值留題二首

東郭先生真好靜柴扉聊寄碧林間青山舍後經秋老
流水門前盡日間禾廩不茨禽共食松巢無擾鶴知還
一廛欲買相從隱此地由來可閉關

高人好尚在田廬物物幽奇事亦踈雲護籬中曾採藥
風吹牀上未收書草間遺籍農談處石畔殘樽蜡飲餘
徘徊欲去還題戶凡鳥深慙我不如

小身巖

白雲何意忽相招轉盡蒼崖更渡橋怪石似將凌豪岫
凋林偏與對蕭條獨行幽谷惟聞鳥欲問前峰偶值樵
疑隱此身須早計莫令桂樹葉先飄

慈雲院

新裁巧製成雙屐試選名山故一登遙聽鐘鳴翠微半
直看花到最高層眠鹿決起驚人語飛鶴來窺證佛乘
不覺塵心銷釋盡空林晏寂只如僧

送張月洲往南雄訪陳雙山陳時謫為南雄郡

丞

萬山深抱始興城問子胡為欲遠行
逐客未蒙環玉賜故人偏繫綈袍情
豈學臨邛因邑令也嗤監里重侯生
論文樽酒相逢地上郡應傳有聚星

送星士李子益

奇談巧中似君無却把靈占過野居
久縱閒心遺失得寧憑閔術問盈虛
夕陽正值青尊盡秋氣漸看錦樹疎

莫向他人道名姓草萊今已掩荒廬

崇陽樓陪汪明府觀燈二首

交衢如髮敞高臺萬戶懸燈向夜開身出半天星倒映
人行下地漢翻迴粧邊窈窕疑雲雨曲裏參差辨柳梅
鳬舄駐時陽艷發共言明府是仙才

千家門戶誇燈勝綴葉分枝巧剪裁霜氣暗侵烟更暖
風光微扇焰偏催歌隨游騎將塵去人似飛螢撲火來
為問河陽花滿縣何如此地夜中開

胡雙華公以春興高詠見示漫賦奉答二首

芳草淒淒着處生
風烟客裏倍關情
高跡自看軒冕細
道心却向簿書精
荒城過雨青春暮
畫寢凝香白日清
最是玄暉多雅興
窓含碧岫句偏成

知君百物不關身也
復題詩惜去春
總為吏情嗟事迫
更緣鄉思惹愁新
坐對禽言聊共語
見飄花片亦傷神
踈頑敢謂能同調
却在瑤緘示我頻

約齋劉公作壽藏戲柬

超然高識有誰儔不諱生前作死謀百事都忘長脫灑
一邱預築待藏舟親題幽石因山表選植名材繞隧留
只把兩間充塋具歎君曾未似蒙周

送史西厓守沅州

高材領郡武溪濱莫畏蠻荒盛毒氛好變侏僂歸雅俗
更將清暇訪奇聞苞茅曾致齊人問銅柱欲窺漢將勲
小酉山中藏逸典探幽應得覽玄文

送陳秀才附驛往沅州

下帷兀兀不窺園躡屩匆匆驟出門獨向五谿馳驛騎
欲過二酉聽谿猿携書偏與賓游別仗劍曾無妻子言
漱浦最悲騷客賦憑君一為訪幽源

吳默泉張鄮西二公遊清源山有作投示輒用
奉酬二首

鞅掌何人解好遊高才擁傳擅風流幽花帶雨紅初潤
密樹含烟翠更稠境勝況兼賓友美心閒正值海天秋
挾槁華藻流宮徵散入無諸古郡州

秋中佳色絕微埃身在高高氣象開縹緲海門蟠貝闕
氛氲天路出香臺支離邑戍紛如點破碎陂湖漂若杯
最是登高難作賦諸公賸有大夫才

題九溪書屋贈姚生體乾

高才也有絕塵心獨傍含漪闢遠林竹屋數椽容偃仰
溪流九派匯清深水光蕩几初開卷漁唱過門正鼓琴
莫謾掩扉矜遯跡未忘作賦羨知音

贈雙竹

君看種竹滿江南獨在君家世所談特植太孤偏有偶
叢生非貴又無三色搖兩翠祥烟裊影拂交陰淑景含
若取為筒清廟奏共言律品並裁堪

題寒泉精舍贈羅希周并柬其弟希陽君

精廬巧構事全幽最是才人解息游滿室吐芸千卷積
當堦鳴玉一泉浮含毫每玩霏霏灑行樂常通瀟瀟流
更向池塘滋細草春來佳句夢中求

贈姚體諧秀才

翩翩佳士氣翻飛蹴踏千羣血汗揮善說尚書宗伏勝
早攻文賦似陸機虛名枉辱藏懷刺形穢真慙側玉輝
但看才調如君者豈是衡門一布衣

送黃葵峰廣東巡海憲副黃舊為給事中

緩帶輕裘欲立勲書生獨領伏波軍陰符秘演五兵畧
寶劍光懸七曜文日照樓船銷海怪霜含節鉞淨炎氛
西掖聲華人盡識功成早入事明君

送程太守歸養

喜動心顏決棄官寧論皂蓋與朱幡功名薄是微臣分
乞請俞知聖主恩出入扶持蠲疾痒晨昏甘旨奉溫存
君家白日偏長永為有金花堂北萱

寄大梁高大

極目雲天間阻脩懷人日月易悠悠蓬池靜處堪舒嘯
梅夢開時每惹愁一日相思腸九折尺書應想見千憂
莫言行鯉難過嶺自有黃河入海流

宿萬石山道院

暮赴松門非為倦欲依妙境息奔波燈前鳴磬山中靜
石上流泉雨後多秋氣漸深聞木葉天機忽長在巖阿
躊躇未決投身計荏苒其如老至何

送洪克晦尹淳安

銅章綰綬墨華明百里堪言作宰榮江出新安流過縣
山從建德遶為城烹魚比政苛應免帶犢喻人化自行
興革初然民吏笑漢庭終說子康名

寄睦櫟西亭

最愛梁園脩竹館風流帝子獨翩翩豪華却盡攻文苦
寵數偏能養性全馬過繁臺誰可記鴈飛蓬沼信難傳
山中桂樹偏翻甚寂寞柴扉養暮年

送賓山大士還錢塘

祇說身同雲片閒南遊何事亦思還禪心已寄生滅外
浮跡寧存來往間豎拂誰能酬一偈持燈行且照千山
莫將空性可難別師去吾今又閉關

錢塘縉上人來泉見訪值予卧疾不能見作此

投之

窓中伏枕蓬蒿長城舍荒蕪只似村消盡形容神獨壯
都無寢食息空存往時賓友全辭社結夏高僧忽扣門
莫倚文殊能問疾此中欲答已忘言

往日客錢塘住西湖頗久湖上山水叢林之勝
至今猶形夢寐因縉上人來喜而問之二首

客居久住西湖水水上諸峰已若家別後心情長欲往
夢中光景每多差蘇隄小柳成陰未逋塚枯梅折枿耶

知爾新從湖上至故憑問訊莫相註

昭慶法壇經幾戒淨慈禪院若為叅藕居花發何年盛
虎跑泉分孰處甘多少僧存靈隱寺有無人到紫陽菴
兩高峰頂誰常住擬欲從師一一談

山中書情寄孫毅齋學士二首

田園歲入課蹲鴟手裏閒持一釣絲閉口免教名月旦
縱形堪擬號天隨柴門留鎖逢僧至蘿徑彈琴候客遲
滿腹飲河鼯鼠樂翻思人在鳳凰池

本無高志謝囂煩拙疾居然近嬾頑將母且堪耕負郭
聚徒因得訪名山春來道侶看花至日入家僮買藥還
黃鵠摩天掀羽翮白鷗江上意閒閒

閒居即事奉懷徐少湖學士二首

流泉迴曲樹扶疎頗有人朝尚白廬傍舍名山看不足
滿庭芳草懶教除談禪已別根三乘卻疾新傳髮百梳
當路追攀今念減何須不作故交書

悠然舒卷片雲孤寬褐偏增四體癯本為聞鍾驚海鳥

亦知在木即山樗閉門自著終堯問行路人猜效舜趨
致主唐虞公等在愛潛一谷更名愚

寄張淨司馬

兩足將窮五嶽春祇牽男女未成人求田清世宜遭笑
看竹閒鄰每被嗔郡縣猶煩知姓字妻孥稍已近甘珍
同塵頗惹俗流毀不是高賢豈識真

寄曾前川

斬伐朶朶壑岸却容大木卧江隈道路過逢徒駭睨

朝昏變怪競睚眦九成何日當營觀百尺通天未起臺
但保龍鱗蟠鐵幹輪囷終是萬乘裁

得鄒東郭書

歲月崢嶸何易除相看已是十年餘鹿麋銜草思呼侶
鴻鴈銜霜忽得書百遍諷唵開七筋八行珍重比瓊琚
魯鷄善伏人爭赴鵠卵深慙我不如

得羅念菴書

欲使行蹤滿四方不知吳越定衡湘樹陰陳禮寧遭伐

旅次絃歌有負糧疲曳已非希驥乘殷勤猶費託魚腸
未由躡屩追游轍門下將誰最簡狂

寄郭淺齋侍郎

大賢小隱卧山阿海內蒼生其奈何脫躡未應忘世事
懸車聊且養天和躍馬場邊看險地輕鷗江上狎晴波
鄙夫閒放能高論獨有年來漸覺多

吳雲泉見寄為携者中路失之

尺素春貽坐閱秋復言中路有沉浮祇應郢客疑燕說

不是殷侯懶置郵
氣合形骸都已外
神交文字亦何留
崇山表嶺限閩楚
出水瀟灘空自流

得陳明水書客有談陳明水遭鄉人之侮者

初聞已駭妄相傳
談久令人一悵然
忠孝空聞行貉貉
安便猶不在林泉
讒譏欲點偏為濯
事變侵磨亦試堅
始識道心能自勝
豈容小腹料高賢

寄吳默泉行部漳州

看君纓紱是柴羈
行部瀟然何所為
白雨乍飛休吏頃

青山每對按人時道心閑閣真如水秋興登樓偶得詩
恬泊應言無與共幽懷却有野夫知

答劉梅國侍郎見寄劉公大庾人因以梅為詠
豈少閩山梅萬樹不如庾嶺一枝春風霜郵寄香猶昔
琴冊伴栖賞更新愛翫何曾離座久清孤長自想丰神
胡為鼎食虛調味徒使餘芳及鄙人

寄江午坡

傳道薌溪肥汝遁經年門外可施羅溷塗置筆將成賦

巖谷生芝故作歌世事不知流澗水歲華空見老庭柯
山中蕙帳人長在夜夜應聞鶴喚和

答周成山見寄

可歎當年賢吏部不防讒間失高名危機駭發曾誰料
抗節獨行已自明棄置堪憐終白首沉淪無復念蒼生
欲知吾道今何在坐席從教野老爭

寄顧左山

年來漸喜世情微發歎浮生未有歸鍊石猶知食訣誤

雕龍偏悔著文非
遂令白日難空遣
坐恐華顛欲就腓
愛爾陶然東海上一竿無羨據苔磯

寄唐荆川二首

脩然於世有何心
共說文人似漢陰
把釣行臨芳芷岸
採樵時諷紫芝吟
暑時暴麥常忘雨
園裏鋤蔬不見金
四體長勤多鄙事
道情寂寞自知深

銅官山下一溪橫
知爾獨多山水情
最喜爰題蕉葉盛
不憂長餓蕨苗榮
節垂日月嫌高甚
思挾烟雲苦瘦生

閒倚稿牀應自笑本逃名却近時名

寄留都勲部洪芳洲

秣陵留滯一郎官終日趨曹亦閉關善補凋羸惟簡帙
勉娛涼踞有江山宦情聊寄鼓琴裏詩句常刪騎馬閒
都說林泉宜散逸野人知不似君閒

寄顧洞陽

水遶綠蘿莊似畫釣臺閒著木蘭船琴聲初歇月掛樹
蓮唱微聞風滿川掩卷看山心不繫題詩示客意難傳

聞著新文名應美亦知胡老已華顛

寄陸北城

芳草春風處處吹相看數舍起勞思人過戶外常盈屨
士向談閒盡解頤且樂青芹香冉冉莫教白雪髭垂垂
有文不遇工何益知子良非一卷師

送康盤峰廣西叅議

握符制遠分藩重露冕臨人列郡欽節下州官多卉服
歲中牧貢有蠻金九疑曉望烟如畫八桂冬榮雪滿林

金
卷七
銅柱標南猶奉朔漢家雨露本來深

和程郡侯游清源山作二首

山城春半煙光好為政風流解眺登盤辟偏尋泉畔石
攀援每值古時藤名花踐遍香沾吏法偈吟成寫與僧
誰言朱紱能相繞即此丹梯已可凌

使君清興在高樓滿目浮雲向暮收天遠滄溟孤嶼出
日斜極浦片帆投藤蘿半壁垂依隼鏡吹中筵驟起鷗
正是心和多暇豫當杯莫惹離鄉愁

九月十五日黃東石招遊北山石室陪西川郡

伯用韻

九日忽然過六日好遊可不惜流光最憐賢主能開宴
賴有佳賓肯愛狂怪石解衣塵氣淨名山對酒野情長
便拚登覽窮茲月豈必重陽萸菊芳

和月中即席之作用韻

望在秋時惟此夕月於勝地更能孤諸山環寂微生籟
大海浮光駭弄珠瞰遠纖毫形色盡憑虛半點侵氛無

願從太守娛清夜五馬騶人莫遽呼

中秋夕東樓宴集用韻二首

關山鴈過晴天迥涼氣偏成鼓角哀岑寂欲尋娛目處
風流相命上樓來井參浸漢金波漾雉堞窺湖玉鏡開
滿席瑤華依錦綺相看忍負手中杯

明月中天處處同清輝無似此樓中賓僚盡倚蘭將玉
魚炙真兼魚與熊爽逼冠衣森浩容影涵閨郭動冲融
一聲笛斗光零亂更借燈前舞袖紅

酬西川郡侯惜別之作用韻二首

達識如公今謝傅
中年作別亦情哀
且題藻句寬離索
莫問萍蹤湯去來
老大勲名雙劔在
踈狂林壑一扉開
臨歡預惜逢難再
坐覺愁容照綠杯

題名猶記曲江同
世事浮雲一槩中
階墀衮衮榮軒鶴
郡廨棲棲老軾熊
賦政賸將寬大布
達觀坐使速淹融
有酒莫令杯裏淺
無丹能駐臉間紅

奉和方西川公中秋夕與黃東石郡齋對飲之

作用韻二首

美夜清輝宜妙賞
華筵選客有誰同
悲秋忽見樓過鴈
愛月何妨軾畫熊
玉鏡掛城看漏永
金波倒海與天融
尊前自墜山如玉
不用扶携舞袖紅

佳期三五仍秋半
月色中天自不同
舉酒聊將酌顧免
當歌寧復羨非熊
郡齋下榻緣徐孺
客座芳尊接孔融
皎皎銀盤懸綺席
華顏照見兩殷紅

得陳華山書

柴門曲巷跡如何車轍時時展
雀羅繭疾自宜形貌惡
匿瑕易使垢疵多已無心想交人事
豈有文章致客過
何為汀洲賢太守猶題絨贈到雲蘿

送朱鎮山叅知蜀藩

雄藩奄履三分土風物聊將訪蜀都
旗建新文明鳥隼
國談初姓記蠶鳧江名濯錦流
偏麗山比脩肩秀獨孤
劒閣雙門如外戶旬宣彌覺盛王圖

寄錢洞泉以使事在嶺南

輜軒更為遠遊輕原隰光華阻使程莫遣衣當犀瘡減
遙知句向蜃樓成間探仙籍朱明洞弔訪圖經趙尉城
共說交南多寶玉飲冰心膽自孤清

贈廖雪溪

聲如金石出謳吟肘見時因手捉衿被褐誰知懷裡玉
揮鋤不顧土中金流溪清處宜垂釣山月偏來勸獨斟
榮達紛紛輕老醜莫將臺笠愧華簪

送袁莪溪應召

飲水高節有誰倫
海郡祥刑自不冤
折獄片言寧用費
守官三尺欲何恩
立身會見登朝早
好諫還看致主尊
事業崢嶸闡闥上
可能有意寄邱樊

贈章心壺名醫

年來多病交游簡
半是名僧半是醫
本訪緇流叅佛乘
忽逢國士話黃岐
隔膚見膽神觀異
剝腹沆腸法術奇
獨賴值予未反走
此身料得尚堪為

投贈沈青門二首

今上好文如漢帝多才似爾正同時賦藏篋裡無人達
身老江干只自知落魄揅搥輕貴勢流傳樂府悅名姬
婁卿唇舌何須掉且向東臯守故籬

荏苒流光髣已翁詩名少日滿江東過秦著論才何泰
入蜀論文命不同劍術徒看塵裏暗筑歌猶自酒邊雄
黃金臺圯時輕士慎莫潛身燕市中

兵會館赴靜泉公招陪南衡涵泉二公夜宴二

首

誰云州郡有纏牽自是高情接勝筵
選地張油宜望海
建瓶瀉酒勝如川
層城未闔娛遙夜
列宿初希美碧天
政務從容能好客
一時良牧最稱賢

高館張筵壓海堦
平臨極浦俯濤瀾
洪流挹入黃金盞
清漢孤懸白玉盤
席上鳴笳聊起舞
舞風前秉燭更留懽
振衣漸覺襟裾重
忘却蕭蕭霜露寒

艾靜泉督造水艦初成獲縱觀其盛賦此奉獻
兼呈南衡涵泉二公二首

雄畧颯颯美郡丞英資真稱佐專城坐看整暇臨尊俎
自有威稜領甲兵海戍天清烟不起樓船風靜水微平
故引簪裾觀控險共知制勝在銷萌

百尺高桅碧漢間蒙衝樓櫓靜如山真將餘氣凌窮髮
坐使馳聲憺島蠻濤日吐吞增艦勢千旌閃蔽壯軍顏
兼資文武人安堵海上孤城晝自閑

寄贈陳汀州覲還治所

聞君新領璽書還車上雙幡似渥丹共理親題天語寵

借年重慰嶺民歡嵐霏入郭衙常冷木索栖庭政自寬
最是光輝人所羨為邦元季兩稱難

詠詹晴溪小隱

聊買一園成小隱高齋事事愜幽情臨池終日知魚樂
啟戶侵晨愛鳥聲新笋漸抽勝釣竹垂藤因製衣掛衣桁
一塵不起心長靜門外何妨人自行

贈劉雪湖善畫梅

橫揮急掃豈無神巧奪天然了不分清影踈踈渾欲動

幽姿的的迥難群一枝時出臨山水萬樹爭看亂雪雲
別後相思休驛寄開圖長得對夫君

夏日憶泮池芙蓉東唐博士

方池叢葉碧攢文秀出鮮紅數朶雲綠水含漪相映淨
微風還度與揚芬幽姿冉冉偏難狎挺立亭亭自不群
在泮歌遊宜對此誰知寂寞正思君

贈艾靜泉去官

送遠郊門若為心停雲黯黯起層陰讒言熒惑堪銷骨

宦業崢嶸竟陸沉解印仍留新字牘還家惟有舊携琴
如弦昔歎路隅置直道難行豈獨今

同吳泉濱遊靈源山紫雲室訪靜上人

千峰高處一峰深未到遙聞鐘聲音徑路漸通難進步
山門忽覩已生心色空真蘊蘊迎窓岫禪寂嚶嚶在樹禽
願與爾投廬遠社莫憑陶令傲東林

泉濱先生為縣令棄歸有陶靖節之

趣而所居在靈源山下大與柴桑匡廬相類也

宿紫雲室同泉濱

中年頗苦病相侵聊倚繩牀卧碧岑枕席亦是人間物
寤寐自無世上心孤月中天風不起明星出海霧初沉
此夕携君同一覺更無在昔與如今

龍南岡久謫不召詩以為歎

恠爾謫居猶漢吏欲將孫子長官中地幽應隔陽光照
天遠宜無雨露通聽厭舶齋喧駛市看頻島氣起蜃宮
已知直道非今好莫向時人歎路窮

贈黃少泉書屋

精廬小構北山下三十六峰在眼前松桂翩翻留晚色
雲烟開歛發春妍鳥聲求友遷喬木魚藻行風舞翠連
期爾一經能自致豈將短檠負芳年

題少濱書屋贈金生

何處清輝最悅人若耶溪上鑑湖濱高齋結構氛都遠
才子風流意自親靜夜琴心山水在芳春調興物華新
鳳毛會向靈池宿莫戀鷗羣狎渚濱

哭黃應初山人二首

碧山長在人何處豪氣杯中恍可尋
靈魄應隨遼海鶴遺風猶記廣陵琴
同盟猿猱驚多夢舊撫松筠怨獨陰
佳句卷中時把翫堪嗟已是古人嗟

舉尊酹汝知何用涓滴曾流地下無
星象還天仍是酒姓名著谷定稱愚
解醒誓婦留今語藏畫誇神守故尉
返幾桑扈真長已雙淚空垂楊子朱

酬詹晴溪疾愈見貽之作

抱疴忽自長天機四體新除去日非
牀上方書閒未掩

爐間藥火撥猶微著衣始覺腰圍減覽鏡偏驚髣髴髮稀
應笑拘拘今尚爾不如桑扈返於幾

得家兄病後手書

半年尺紙抵千金細認緘題手跡真字裡諄純論離別
毫端揮灑識精神沉冥起後情思迫憂患經餘意氣新
誦與兒曹相解曉起居堂上慰慈親

訪吳泉濱先生山居賦此投贈

家在深山非避秦相尋正及桃花春迎看道氣眉間異

暗接心期語下親草木欣時同我況鷄豚得性與人馴
好栽五柳垂門外雪棹重來免問津

生日自述二首

早脫風波難料跡尚存溝壑未填身朝昏賦茅憐狙輩
寥廓翔鴻笑弋人出戶漸看栽柳大行園最愛藥苗新
欲知晚歲棲遲意海上鷗羣已可馴

歲月悠悠不自驚徒然長大有何稱讀餘舊冊須頻閱
悟後微言却忘謗載酒偏多尋字客翻經每枉住山僧

從今雙眼看人世倏忽浮雲幾變更

章三洲見寄清朝述遇圖冊作此奉答


虛室齋心無一物猶然懷遠念伊人正攤竹簡翻羣蠹
忽枉瑤緘躍尺鱗事跡瑰奇圖繪設生平感激染毫新
鄙夫久斷浮華夢今日看題畏蕩神

寄贈周殿山太守

莆陽太守何淹滯獨把一麾老嶺陞不慣逢迎遭客謗
耐消皮肉抹民饑中堂空設懸魚索內舍曾無問絹兒

與爾固然殊出處論交此日最相知

遵巖集卷七



總校官進士臣胡榮

校對官中書臣李斯咏

謄錄監生臣王爾熙